

von Wulf Wager

Wasen oder Wiesen?



I be scho echt en Harter. Diesjohr han i mir se boide aguckt, wie se so do liegat em Sonnaschei, mit ihre bunte Fassada, mit ihrem bsondera Gruch und ihre bsondre Gräusch ond ihre bsondre Gestalta: die Wiesen und da Wasen.

Emmer werdat dia boide gröschte Volksfescht von dr Welt mitananader vrglicha.

Drbei isch des müßig, denn boide hend ebbes Bsonders. Aber wagat mr amol da Vrgleich: Müncha hot me Bierzelt ond ond Cannstatt hot meh Schaustellergschäft. Dia Zelt en Müncha send graißer, en Cannstatt drfier schöner ond gmiatlicher. Müncha hot sein Zenit überschritta ond in Cannstatt isch'r no lang net erreicht. Müncha hot Italiener ond Japaner ond Cannstatt hot Badener ond Sachsa.

Ond no oin wesentlicher Ondrscheid herrscht: en München isch net bloß die Maß fascht oin Euro teurer. A halbs Bio-Hendl in Wachtelgröße koschte ohne Weckle ond ohne alles 17,80 Euro. Mei Liaberle. Do vrgoht oim jo dr Honger. Schad wird's no endgültig erscht, wenn mr drnoch en so ra Hemmlfahrtsschleuder oder so ma sich schnell drehenda Kotzhobel fährt, ond des ganze Biogöckele samt Maß wieder dr Vrgänglichkeit der Natur am Rand vom Feschtplatz übergibt. En Müncha han i des vielfach gsäha. Des machat mir Schwoba net. Do wird halt zwoimol gschluckt...

Ihr

A handwritten signature in black ink, appearing to be 'Wulf Wager', written over a white background.

Wulf Wager

Alle Kolumna zom Nochlesa onder: www.woascht.de
oder em facebook em Wulf Wager Fanclub